

Članak 28.

Direktor uprave i upravne ustanove može biti imenovan, odnosno postavljen, ako ima najmanje visoku školsku spremu, koja odgovara prirodi i vrsti poslova iz nadležnosti uprave i upravne ustanove.

IV. PRIJELAZNE I ZAVRŠNE ODREDBE

Članak 29.

Od dana stupanja na snagu ovog Zakona:

- Ministarstvo pravde nastavlja s radom kao Ministarstvo pravosuđa i uprave,
- Ministarstvo urbanizma, prostornog uređenja i zaštite okolice nastavlja s radom kao Ministarstvo prostornog uređenja i zaštite okolice.

Pod istim nazivom nastavljaju sa radom:

- Ministarstvo unutarnjih poslova,
- Ministarstvo naobrazbe, znanosti, kulture i športa,
- Ministarstvo financija,
- Ministarstvo industrije, energetike i rudarstva;
- Ministarstvo poljoprivrede, šumarstva i vodoprivrede;
- Ministarstvo zdravstva;
- Ministarstvo za rad i socijalnu politiku i
- Ministarstvo za boračka pitanja,

Članak 30.

Ministarstvo trgovine, turizma i prometa i Ministarstvo za obnovu, razvoj i povratak počinju sa radom danom stupanja na dužnost ministra, koji rukovodi tim ministarstvom.

Članak 31.

Zavod za prostorno planiranje i urbanizam, Direkcija za zaštitu okolice i Direkcija za putove počinju s radom danom imenovanja direktora Zavoda, odnosno direkcija.

Članak 32.

Početak rada ministarstava iz članka 30. ovog Zakona, prestaju s radom:

- Ministarstvo trgovine i turizma,
- Ministarstvo za raseljene osobe, izbjeglice i povratnike,
- Ministarstvo prometa i komunikacija.

Članak 33.

Ministarstva iz članka 30. ovog Zakona preuzimaju rukovodeće službenike, službenike i namještenike, opremu i inventar, predmete u radu, službene evidencije, arhivu i dr. od ministarstava iz prethodnog članka, kako slijedi:

- Ministarstvo trgovine, turizma i prometa od Ministarstva trgovine i turizma i Ministarstva prometa i komunikacija;
- Ministarstvo za obnovu, razvoj i povratak od Ministarstva obnove, razvoja i poduzetništva i Ministarstva za raseljene osobe, izbjeglice i povratnike.

Članak 34.

Rukovoditelji organa uprave i upravnih ustanova iz članka 30. i 31. dužni su donijeti pravilnik o unutarnjoj organizaciji organa, odnosno ustanove, u roku od 30 dana od dana stupanja na dužnost ministra, odnosno od dana imenovanja direktora.

Članak 35.

Osobe u radnom odnosu, koje ne budu raspoređene na radna mjesta utvrđena pravilnikom o unutarnjoj organizaciji ministarstva u koje su preuzeti, ostvarivat će svoja prava iz radnog odnosa shodno propisima koji se odnose na neraspoređene službenike.

Članak 36.

Danom stupanja na snagu ovog Zakona prestaje da važi Zakon o ministarstvima i drugim organima uprave Tuzlanskog kantona ("Službene novine Tuzlansko-podrinjskog kantona", broj: 3/94., 6/97., 14/97. i 1/98. i "Službene novine Tuzlanskog kantona", broj: 4/2000.).

Članak 37.

Ovaj Zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina Federacija Bosne i Hercegovine TUZLANSKI KANTON Sabor	Predsjednik Sabora Tuzlanskog kantona, Dr. Izet Žigić, v.r.
Broj: 01-011-425-15/00 Tuzla, 18. 11. 2000. godine	

589

Na osnovu poglavlja IV, odjeljak B, člana 33. stav 1. tačka e) Ustava Tuzlanskog kantona, donosim

UKAZ

O PROGLAŠENJU ZAKONA O SPORTU

Proglašava se Zakon o sportu, koji je donijela Skupština Tuzlanskog kantona na sjednici od 18. 11. 2000. godine.

Broj: 01/1-02-1865/00
Tuzla, 27. 11. 2000. g.

Predsjednik
Tuzlanskog kantona
Dr. Tarik Arapčić, v.r.

ZAKON

O SPORTU

I. OPĆE ODREDBE

Član 1.

Ovim Zakonom uređuje se uspostavljanje i razvijanje sistema sportske kulture, obavljanje sportskih djelatnosti, programiranje razvoja sporta, osnivanje i rad sportskih organizacija i sportskih saveza, korištenje sportskih objekata, profesionalni, stručni i privatni rad u sportu, prava i obaveze sportista, zdravstvena zaštita sportista, nadzor nad sprovođenjem zakona u sportu, finansiranje sporta i druga pitanja u vezi sa obavljanjem i razvojem sportskih djelatnosti na području Tuzlanskog kantona (u daljem tekstu: Kanton).

Član 2.

Sistem sportske kulture, u smislu ovog Zakona, obuhvata sportski odgoj i obrazovanje, sport i sportsku rekreaciju koji se organizuju na načelu jednake dostupnosti svim građanima, bez diskriminacije po bilo kojem osnovu.

1. Definisane pojmove

Član 3.

Sportski odgoj i obrazovanje obuhvata tjelesne i sportske aktivnosti djece, omladine i odraslih građana.

Sportski odgoj i obrazovanje ostvaruju se u okviru nastavnih planova i programa predškolskih ustanova, osnovnih i srednjih škola, univerziteta, kao i u okviru programa sportskih klubova.

Član 4.

Sport, u smislu ovog Zakona, obuhvata:

- organizovane tjelesne aktivnosti djece, omladine i odraslih građana, koje se ostvaruju u okviru stručno vođenog tjelesnog vježbanja i sportskog treninga;

- posebno organizovane tjelesne aktivnosti i igre radi postizanja sportskih dostignuća, koja se ostvaruju prema utvrđenim takmičarskim pravilima, u oblasti sporta za lica sa invaliditetom, kvalitetnog sporta i vrhunskog sporta;

- sportska takmičenja i priredbe;

- stručne poslove lica koja planiraju, organizuju i vode sportske aktivnosti te pripremaju druga lica za učešće na sportskim takmičenjima.

Član 5.

Sportska rekreacija obuhvata organizovane ili individualne sportske aktivnosti djece, omladine i odraslih građana, koje se ostvaruju u okviru različitih oblika tjelesnog vježbanja i nemaju organizovane takmičarske oblike.

Član 6.

Kvalitetni sport je priprema i takmičenje sportista po unaprijed utvrđenom sistemu i pravilima takmičenja koje se organizuje na području dva ili više kantona, na prostoru Federacije BiH ili na cijelom prostoru Bosne i Hercegovine.

Član 7.

Vrhunski sport je priprema i takmičenje sportista koji su po svojim rezultatima postali članovi državne selekcije Bosne i Hercegovine ili su pojedinačno postigli vrhunske rezultate po međunarodnim normama u odgovarajućoj sportskoj disciplini.

Član 8.

Sport za lica sa invaliditetom je sportska aktivnost u okviru koje se licima sa invaliditetom obezbjeđuju jednake mogućnosti za organizovano bavljenje sportom i sportskom rekreacijom.

2. Javni interes društva u oblasti sporta

Član 9.

Javni interes društva u oblasti sporta obezbjeđuju i provode organi Kantona i općina.

Član 10.

Javni interes Kantona i općina u sportu obuhvata:

- tjelesne aktivnosti i sportske igre koje se organizuju u cilju unapređivanja zdravlja djece i omladine;

- sportski odgoj i obrazovanje;

- sport za lica sa invaliditetom;

- kvalitetni sport;
- vrhunski sport i
- sportska rekreacija.

Član 11.

Kanton ostvaruje javni interes u sportu tako što:

- Obezbjeđuje sredstva za ostvarivanje programa u oblasti sporta Kantona;

- Podstiče i obezbjeđuje uslove za obavljanje i razvoj sportskih djelatnosti Kantona;

- Planira, izgrađuje, održava i kontroliše namjensko korištenje javnih sportskih objekata od kantonalnog značaja;

- Inicira, utvrđuje i provodi stimulativnu poreznu politiku kojom se podstiče razvoj sporta u Kantonu.

Član 12.

Općina ostvaruje javni interes u sportu stvaranjem uslova za zadovoljavanje lokalnih potreba građana u oblasti sporta i sportske rekreacije tako što:

- Programira i planira razvoj sporta i sportske rekreacije na području općine;

- Obezbjeđuje sredstva za ostvarivanje općinskog sportskog programa;

- Podstiče i obezbjeđuje uslove za odvijanje i razvoj sporta na području općine;

- Planira, izgrađuje, održava i kontroliše namjensko korištenje javnih objekata za sport i sportsku rekreaciju na području općine.

II. OBAVLJANJE SPORTSKE DJELATNOSTI

Član 13.

Sportska djelatnost može se obavljati kao profitabilna ili neprofitabilna djelatnost, u skladu sa zakonom.

Član 14.

Sportsku djelatnost, u skladu sa zakonom, obavljaju sportski klubovi, sportska društva, sportski savezi, udruženja za sportsku rekreaciju, ustanove, privredna društva i fizička lica samostalnim radom.

Član 15.

Sportski klubovi, sportska društva, ustanove, privredna društva i fizička lica registrovana za obavljanje sportske djelatnosti moraju posjedovati ili na drugi način obezbijediti odgovarajuće sportske objekte, sportsku opremu i rekvizite koji su propisani za odgovarajuću vrstu i nivo sportskih takmičenja.

Smatra se da sportski klub, sportsko društvo, ustanova, privredno društvo i fizičko lice posjeduju odgovarajuće sportske objekte, sportsku opremu i rekvizite ako imaju dokaz o vlasništvu, dokaz o prijenesenom pravu upravljanja od vlasnika ili ugovor o zakupu za period u kojem obavlja sportsku djelatnost.

Član 16.

Učestvovanje u sportskim takmičenjima koja se organizuju na nivou Kantona i općine je na amaterskoj osnovi.

Član 17.

Lica koja učestvuju u sportskim takmičenjima koja se organizuju na nivou višem od kantonalnog, mogu se profesionalno baviti sportom ako zaključie ugovor o radu sa sportskim klubom,

sportskim društvom, ustanovom, privrednim društvom za koje se takmiči ili se u individualnom sportu prijavi kao lica koje samostalno obavlja sportsku djelatnost.

III. PROGRAMIRANJE RAZVOJA SPORTA

Član 18.

Programima razvoja sporta na području Kantona i općine utvrđuju se osnovi politike, način i dinamika aktivnosti ostvarivanja javnog interesa u oblasti sporta.

Član 19.

Za ostvarivanje javnog interesa u oblasti sporta, u skladu sa programima iz prethodnog člana, iz javnih sredstava se podstiče postizanje sljedećih ciljeva:

- širok obuhvat sportskim odgojem i obrazovanjem djece i omladine;
- sportski odgoj, obrazovanje i specifična zdravstvena zaštita djece, omladine i odraslih građana sa smetnjama u tjelesnom i psihičkom razvoju;
- prvi zdravstveni pregled prije izbora sportske aktivnosti, naročito djece i rekreativaca;
- sportsko obrazovanje djece, omladine i odraslih građana usmjerenih ka kvalitetnom i vrhunskom sportu;
- sportska takmičenja lica sa invaliditetom;
- sportska takmičenja studenata;
- kvalitetni sport;
- vrhunski sport;
- preventivne sistematske i specifične selektivne zdravstvene preglede u djelatnosti kvalitetnog i vrhunskog sporta;
- sportska rekreacija;
- obrazovanje i specijalna obuka stručnjaka za sport;
- izgradnja i održavanje javnih sportskih objekata;
- aktivnost sportskih saveza i udruženja građana u oblasti sporta;
- razvojno i naučno istraživanje u sportu;
- javno informisanje o sportu;
- izdavačka djelatnost;
- promotivne aktivnosti i savjetovanja u sportu;
- eksperimentalni programi u sportu;
- obavljanje stručnog nadzora u sportu;
- nagrađivanje u sportu i
- međunarodne aktivnosti u sportu.

Član 20.

Program razvoja sporta Kantona (u daljem tekstu: kantonalni sportski program) donosi Skupština Kantona, na prijedlog Vlade Kantona.

Kantonalni sportski program donosi se za period od najmanje pet godina.

Član 21.

Kantonalnim sportskim programom utvrđuju se naročito:

- načela i ciljevi politike u oblasti sporta na području Kantona;
- sadržaj i obim posebnih oblika sportskih aktivnosti koje se finansiraju ili sufinansiraju iz javnih sredstava kao što su sportski odgoj i obrazovanje, sportska rekreacija, vrhunski sport, kvalitetni sport, sportske aktivnosti učenika i studenata i sport za invalidna lica;
- kriteriji za finansiranje kantonalnog sportskog programa;
- razvojni i stručni poslovi u sportu;
- odgovarajuća medicinska zaštita i praćenje psihosomatskog statusa sportista i sportskih rekreativaca;
- organizovanje sporta i kantonalnih sportskih takmičenja;
- subjekti, način i rokovi za realizaciju kantonalnog sportskog programa.

Član 22.

Program razvoja sporta općine (u daljem tekstu: općinski sportski program), u skladu sa kantonalnim sportskim programom, donosi općinsko vijeće, na prijedlog općinskog načelnika.

Općinski sportski program donosi se za period od najmanje pet godina.

Član 23.

Općinskim sportskim programom utvrđuju se naročito:

- osnovna pitanja i usmjerenja u oblasti sporta na području općine;

- sadržaj i obim posebnih područja sportskih aktivnosti koje se finansiraju iz javnih sredstava općine;
- kriteriji za finansiranje općinskog sportskog programa;
- organizovanje sporta i općinska sportska takmičenja;
- subjekti, način i rokovi za realizaciju općinskog sportskog programa.

Član 24.

Za sprovođenje kantonalnog sportskog programa i općinskog sportskog programa donose se godišnji programi u oblasti sporta (u daljem tekstu: godišnji sportski program).

Kantonalni godišnji sportski program donosi Vlada Kantona. Općinski godišnji sportski program donosi općinski načelnik. Godišnji sportski programi za tekuću godinu donose se najkasnije do 31. januara tekuće godine.

Član 25.

Godišnjim sportskim programima Kantona i općine utvrđuju se sportske aktivnosti za tekuću godinu, namjene i kriteriji za finansiranje javnim sredstvima, način finansiranja potreba i interesa Kantona i općina u sportu, subjekti, rokovi, obim i područje aktivnosti neophodnih za realizaciju programa.

IV. SAVJET ZA SPORT KANTONA

Član 26.

Za odlučivanje o stručnim pitanjima i za pružanje stručne pomoći za izradu sportskih programa, kao i za rješavanje drugih najvažnijih pitanja iz oblasti sporta Vlada Kantona, osniva Savjet za sport Kantona, kao stručno savjetodavno tijelo.

Predsjednik i članovi Savjeta za sport imenuju se na vrijeme od četiri godine i po isteku ovog vremena mogu biti ponovo imenovani.

Član 27.

Savjet za sport Kantona ima predsjednika i 10 članova.

Predsjednik i članovi Savjeta za sport se imenuju iz reda dokazanih stručnjaka s područja sportskog odgoja i obrazovanja, sportske rekreacije, kvalitetnog i vrhunskog sporta, sporta za lica sa invaliditetom i sportske medicine.

Predsjednika Savjeta za sport imenuje Savjet za sport iz reda svojih članova.

Član 28.

Način rada Savjeta za sport uređuje se poslovníkom o radu, koji usvaja Savjet za sport većinom glasova.

Sredstva za rad Savjeta za sport namjenski se obezbjeđuju u budžetu Kantona.

Član 29.

Savjet za sport:

- utvrđuje kriterije za kategorizaciju vrhunskih sportskih dostignuća i sticanje statusa vrhunskog sportiste u skladu sa međunarodnim sportskim standardima;
- daje mišljenje o nacrtima zakona i drugih propisa iz oblasti sporta, kao i nacrtima drugih zakona i drugih propisa, koji imaju uticaj na ostvarivanje i razvoj sporta na području Kantona;
- priprema dokumentacionu podlogu i izrađuje smjernice za donošenje kantonalnih sportskih programa;
- učestvuje u pripremi prijedloga kantonalnog sportskog programa;
- prati i daje mišljenje o izvršenju kantonalnih sportskih programa;
- ocjenjuje stanje i razvoj sporta na području Kantona;
- daje inicijative i prijedloge za rješavanje i drugih pitanja iz oblasti sporta.

V. NOSIOCI DJELATNOSTI U OBLASTI SPORTA

Član 30.

Nosioci djelatnosti u oblasti sporta na području Kantona su:

- sportski klubovi i sportska društva;
- općinski i kantonalni savezi po sportskim disciplinama;
- općinski i kantonalni sportski savezi;
- ustanove u oblasti obrazovanja i sporta;
- udruženja sportske rekreacije;
- privredna društva i
- fizička lica.

1. Sportski klubovi, društva i savezi

Član 31.

Sportski klub se osniva za obavljanje djelatnosti u oblasti jednog sporta, u skladu sa međunarodnim propisima, ovim Zakonom i drugim propisima.

Dva ili više sportskih klubova se mogu udružiti u sportsko društvo.

Član 32.

Ako na području općine djeluje najmanje tri sportska kluba u istoj sportskoj disciplini, može se osnovati općinski sportski savez u toj sportskoj disciplini (u daljem tekstu: općinski granski sportski savez).

Općinski granski sportski savezi udružuju se u kantonalni granski sportski savez.

Član 33.

Općinski granski sportski savezi kao i sportski klubovi u čijoj sportskoj disciplini nije osnovan općinski granski sportski savez, udružuju se u općinski sportski savez.

Član 34.

Općinski sportski savezi kao i kantonalni granski sportski savezi udružuju se u Kantonalni sportski savez.

Član 35.

Na osnivanje, organizaciju, pravni položaj, rad i prestanak rada sportskih klubova, društava, saveza i udruženja sportske

rekreacije primjenjuju se odredbe Zakona o udruživanju građana i drugih propisa, ako neka od tih pitanja nisu drugačije uređena ovim Zakonom.

2. Osnivanje i početak rada pravnih lica koja obavljaju djelatnosti u oblasti sporta

Član 36.

Za obavljanje sportske djelatnosti domaća pravna i fizička lica mogu osnovati ustanovu ili privredno društvo, u skladu sa propisima o ustanovama, odnosno o privrednim društvima (u daljem tekstu: sportsko pravno lice).

Član 37.

Osnivač obezbjeđuje sredstva potrebna za rad sportskog pravnog lica u skladu sa standardima i normativima u oblasti sporta.

Standardima i normativima u oblasti sporta utvrđuju se jedinstveni kriteriji za rad sportskog pravnog lica kao i uslovi za izgradnju sportskih objekata.

Bliži propis kojim se utvrđuju standardi i normativi u oblasti sporta donosi ministar obrazovanja, nauke, kulture i sporta (u daljem tekstu: ministar).

Član 38.

Sportsko pravno lice može početi da obavlja registrovane djelatnosti u oblasti sporta, nakon što Ministarstvo obrazovanja, nauke, kulture i sporta Kantona (u daljem tekstu: Ministarstvo) utvrdi da ispunjava slijedeće uslove:

- ima zaposlenog najmanje jednog stručnog sportskog radnika koji ima licencu za obavljanje stručnog sportskog posla;
- ima prostor i potrebnu infrastrukturu, koji omogućavaju nesmetano obavljanje djelatnosti u oblasti sporta.

Bliži propis o potrebnim uslovima za obavljanje djelatnosti u oblasti sporta donosi ministar.

Član 39.

Sportsko pravno lice je dužno obezbijediti da sportske aktivnosti ne utiču negativno na zdravlje sportista, članova sportskog pravnog lica.

Član 40.

Pored upisa u sudski registar, sportsko pravno lice se upisuje u Registar sportskih pravnih lica (u daljem tekstu: Registar) koji vodi Ministarstvo.

Rješenje o upisu u Registar donosi ministar.

Bliži propis o sadržaju, obliku i načinu vođenja, te postupku upisa i brisanja iz Registra donosi ministar.

Član 41.

Upisom u Registar sportsko pravno lice stiče pravo da obavlja djelatnosti u oblasti sporta, u skladu sa ovim Zakonom i drugim propisima.

Član 42.

Ministarstvo je dužno da najmanje jedanput u dvije godine utvrdi da li sportsko pravno lice ispunjava uslove, iz člana 38. ovog Zakona.

Ako sportsko pravno lice ne ispunjava uslove, iz člana 38. ovog Zakona, Ministarstvo će donijeti rješenje kojim će se odrediti rok za otklanjanje nedostataka.

Ako u roku ostavljenom rješenjem, iz stava 2. ovog člana, utvrđeni nedostaci ne budu otklonjeni, Ministarstvo će rješenjem zabraniti rad sportskog pravnog lica i o tome obavijestiti osnivača.

Član 43.

Na osnovu pravosnažnog rješenja o trajnoj zabrani rada sportskog pravnog lica, osnivač je dužan u roku od 30 dana od dana dostavljanja rješenja donijeti akt o prestanku rada sportskog pravnog lica.

Akt o prestanku rada sportskog pravnog lica dostavlja se nadležnom sudu i Ministarstvu radi brisanja sportskog pravnog lica iz sudskog registra, odnosno Registra Ministarstva.

Ukoliko osnivač ne donese akt o prestanku rada sportskog pravnog lica u roku iz stava 1. ovog člana, sud, odnosno Ministarstvo će izvršiti brisanje sportskog pravnog lica iz sudskog registra, odnosno Registra Ministarstva, u roku od 30 dana od isteka roka iz stava 1. ovog člana.

3. *Sportista i vrhunski sportista*

Član 44.

Sportista, shodno odredbama ovog Zakona, je fizičko lice koje je registrovano u sportskom klubu, odnosno odgovarajućem sportskom savezu i koje učestvuje na treninzima, sportskim takmičenjima i sportskim priredbama.

Član 45.

Status vrhunskog sportiste stiče građanin Bosne i Hercegovine, koji postigne vrhunske sportske rezultate na domaćim ili međunarodnim takmičenjima, prema utvrđenim kriterijima u skladu sa međunarodnim standardima.

Status vrhunskog sportiste utvrđuje Sportski savez Kantona, na osnovu kriterija za vrhunska sportska dostignuća.

Kriterije, iz stava 2. ovog člana i trajanje statusa vrhunskog sportiste utvrđuje Savjet za sport.

Član 46.

Vrhunski sportista, u skladu sa zakonom, ostvaruje pravo na:

- zdravstveno osiguranje;
- osiguranje od nesretnog slučaja (sportskih povreda, odnosno smrti);
- porodijsko odsustvo;
- penzijsko i invalidsko osiguranje;
- pogodnosti za izvršavanje obaveza školovanja;
- stipendiju.

Član 47.

Vrhunski sportista je obavezan da:

- učestvuje na takmičenjima u sastavu reprezentacije Bosne i Hercegovine, kada je pozvan;
- ponaša se u skladu sa međunarodnim propisima i propisima sportskih saveza, kao i normama sportske etike.

Član 48.

Vrhunskom sportisti koji neopravdano ne ispunjava svoje dužnosti mogu se, na prijedlog trenera, uprave kluba, direktora sportskog pravnog lica, uz prethodno mišljenje strukovnog sportskog saveza, ograničiti ili oduzeti prava koja mu pripadaju po osnovu statusa vrhunskog sportiste.

4. *Sportski profesionalci i stručnjaci*

Član 49.

Stručni radnik u sportu je lice koje obavlja odgojno-obrazovne ili stručno-organizacione poslove u sportu (u daljem tekstu: stručni sportski radnik).

Stručni sportski radnik mora imati odgovarajuće stručno obrazovanje iz oblasti sporta, u skladu sa propisima iz oblasti obrazovanja, odnosno odgovarajuću kvalifikaciju ili osposobljenost.

Član 50.

Bliži propis o stručnoj spremi i načinu sticanja odgovarajuće kvalifikacije ili osposobljenosti stručnog sportskog radnika, donosi ministar.

Član 51.

Stručni sportski radnik, koji ima odgovarajuće stručno obrazovanje iz oblasti sporta, po završenom pripravničkom stažu, polaže stručni ispit.

Bliži propis o stručnom ispitu donosi ministar.

Član 52.

Uvjerjenje o kvalifikaciji, odnosno osposobljenosti izdaje nadležna obrazovna ustanova, odnosno odgovarajući stručni organ sportskog saveza, u skladu sa odredbom iz člana 49. stav 3. ovog Zakona.

Član 53.

Na osnovu uvjerenja o kvalifikaciji, odnosno osposobljenosti (iz člana 52. ovog Zakona), licencu za obavljanje stručnog posla izdaje strukovni sportski savez Kantona.

Kriterije za izdavanje licence, iz stava 1. ovog člana, utvrđuje Sportski savez Kantona.

Član 54.

Svako fizičko lice može obavljati poslove u sportu kao privatni sportski radnik, ako pored općih uslova ispunjava i posebne:

- ima odgovarajuće obrazovanje ili odgovarajuću kvalifikaciju da se bavi ovim aktivnostima, u skladu sa ovim Zakonom,
- posjeduje licencu za obavljanje sportskih aktivnosti;
- ako mu nije pravosnažnom odlukom zabranjeno obavljanje te djelatnosti.

Član 55.

Privatni sportski radnici se upisuju u Registar privatnih sportskih radnika.

Registar privatnih sportskih radnika vodi Ministarstvo.

Bliži propis o sadržaju i načinu vođenja Registra privatnih sportskih radnika donosi ministar.

Član 56.

Svako fizičko lice može se baviti sportom kao profesionalni sportista ako:

- ima 18 ili više godina,
- ako je aktivni sportista,
- ako učestvuje u sportskim takmičenjima koja se organizuju na nivou višem od Kantona,

- ako ima stalno ili privremeno boravište u Bosni i Hercegovini,
- ako ima ugovor o profesionalnom angažmanu.

Profesionalni sportisti se upisuju u Registar profesionalnih sportista.

Registar profesionalnih sportskih radnika vodi Ministarstvo.

Bliži propis o sadržaju i načinu vođenja Registra profesionalnih sportista donosi ministar.

Član 57.

Privatni sportski radnik i profesionalni sportista može biti brisan iz Registra na vlastiti zahtjev ili po odluci Ministarstva.

Ministarstvo donosi rješenje o brisanju iz Registra ako utvrdi da:

- više ne ispunjavaju propisane uslove
- mu je izrečena pravosnažna presuda kojom mu se zabranjuje djelatnost u sportu
- se ne ponaša u skladu s međunarodnim pravilima i pravilima nacionalnih sportskih saveza, kao i u skladu s normama sportske etike i morala.

VI. ZDRAVSTVENA ZAŠTITA SPORTISTA

Član 58.

U cilju uspostavljanja adekvatne organizacije zdravstvene službe za provođenje primarne zdravstvene zaštite sportista radi prevencije nastajanja ili suzbijanja zdravstvenih problema koji se mogu pojaviti kao posljedica nestručnog vođenja sportskih aktivnosti, obezbjedit će se specijalistička zdravstvena zaštita sportista i sportskih rekreativaca.

Član 59.

U skladu sa Zakonom o zdravstvenoj zaštiti u Federaciji BiH, osnovat će se Zavod za sportsku medicinu čiji je zadatak da:

- kontroliše stanje zdravlja djece, omladine i svih građana prije početka i u toku trajanja sportske aktivnosti;
- pruža hitnu medicinsku pomoć takmičarima i, po potrebi, ostalim prisutnim na sportskim takmičenjima i priredbama na kojima se okuplja veći broj posjetilaca;
- kontroliše uzimanje ili davanje zabranjenih stimulativnih i doping sredstava sportistima;
- otkriva deformacije u rastu i razvoju djece koja počinju da se bave sportom i preduzima stručne mjere na korekciji nedostataka i otklanjanju posljedica;
- unapređuje zdravstvenu zaštitu sportista uvođenjem novih metoda dijagnostike, liječenja i rehabilitacije oboljenja i povreda karakterističnih za sportsku aktivnost.

Član 60.

Sistematski i parcijalni zdravstveni pregledi obavezni su za sportiste koji nastupaju na redovnim takmičenjima.

Bliži propis o uslovima i načinu obavljanja preventivnih zdravstvenih pregleda donosi Vlada Kantona.

Član 61.

Niko ne može od sportiste zahtijevati da trenira ili da se takmiči za vrijeme dok je bolestan ili povrijeđen.

Mišljenje o zdravstvenoj sposobnosti, privremenoj ili trajnoj nesposobnosti bavljena sportom, daje specijalista sportske medicine.

Član 62.

U oblasti sporta obavezna je primjena odredaba Evropske konvencije protiv dopinga i propisa Međunarodnog olimpijskog komiteta.

VII. SPORTSKI OBJEKTI

Član 63.

Sportski objekti su građevinski objekti, plivališta, klizališta, trim-staze, skijaški tereni i drugi zatvoreni i otvoreni objekti i površine namijenjeni ostvarivanju djelatnosti u sportu.

Sportski objekti koji se koriste moraju ispunjavati minimum propisanih sportsko-higijenskih standarda, u skladu sa međunarodnim standardima.

Član 64.

Saglasno ovom Zakonu javni sportski objekti su objekti u vlasništvu Kantona ili općine.

Član 65.

Javni sportski objekat mora se upotrebljavati za potrebe sporta i u svrhe za koje je izgrađen i uređen.

Ako se javnom sportskom objektu promijeni namjena, mora se obezbjediti zamjena sportskog objekta nekim drugim sportskim objektom.

Član 66.

Izvršioци kantonalnog godišnjeg sportskog programa imaju prednost za upotrebu javnih sportskih objekata u odnosu na druge sportske izvršioce.

Načini održavanja, upotreba, upravljanje i korišćenje javnih sportskih objekata regulišu se posebnim ugovorima sa korisnicima usluga.

Član 67.

Sportski objekti upisuju se u evidenciju sportskih objekata (u daljem tekstu: evidencija) koju vodi Ministarstvo.

Bliži propis o sadržaju i načinu vođenja evidencije donosi ministar.

VIII. FINANSIRANJE SPORTA

Član 68.

Sredstva za ostvarivanje javnog interesa u oblasti sporta obezbjeđuju se u budžetu Kantona i budžetu općine (u daljem tekstu: javna sredstva).

Član 69.

Osnovu finansiranja u sportu čine:

- prihodi koje ostvare sportska pravna lica obavljajući sportsku djelatnost,
- članarine,
- dobiti od priređivanja igara na sreću,
- i drugih izvora finansiranja, u skladu sa zakonom.

Finansiranje sporta vrši se i iz javnih sredstava kojima se podstiče obavljanje sportskih djelatnosti, prioritarno u oblasti bazičnih sportova za omladinski uzrast, u skladu sa kriterijima koje utvrđuje Vlada Kantona, odnosno općinski načelnik.

IX. SPORTSKE PRIREDBE

Član 70.

Sportske priredbe su organizovana sportska okupljanja i sportska takmičenja.

Član 71.

Međunarodne sportske priredbe su:

- olimpijske igre i para-olimpijske igre,
- mediteranske igre i para-mediteranske igre,
- univerzijade,
- svjetska i evropska prvenstva,
- svjetski i evropski kupovi,
- gran-pri mitinzi i turniri,
- regionalna prvenstva,
- međunarodni susreti, u kojima učestvuju sportski klubovi sa područja Kantona.

Član 72.

U sportskom objektu u kojem se odvija sportska priredba zabranjeno je točenje i prodaja alkoholnih pića na dan održavanja sportske priredbe.

Član 73.

Licima koja su pod uticajem alkohola, organizator ne smije dozvoliti pristup na sportsku priredbu.

Član 74.

Na sportskim priredbama zabranjeno je objavljivanje, prikazivanje i bilo kakvo reklamiranje proizvoda štetnih po zdravlje.

Član 75.

Na sportskim priredbama zabranjeno je donositi opasna oruđa i oružja, i upotrebljavati pirotehnička sredstva radi kojih bi mogla biti ugrožena bezbjednost sportista i gledalaca.

Član 76.

Organizatori sportskih priredbi moraju obezbijediti sigurnost svih učesnika i posmatrača sportske priredbe kao i neophodnu medicinsku brigu.

X. NADZOR

Član 77.

Nadzor nad sprovođenjem ovog Zakona vrši Ministarstvo.

Član 78.

Inspeksijski nadzor u oblasti sporta obavlja inspekcija Ministarstva.

XI. KAZNE NE ODREDBE

Član 79.

Novčanom kaznom od 300,00 KM do 3.000,00 KM kaznit će se za prekršaj:

1. Sportsko pravno lice, koje otpočne sa radom, prije nego što Ministarstvo utvrdi da ispunjava propisane uslove (Član 38. ovog Zakona);
2. Sportsko pravno lice, koje ne obezbijedi izvršenje aktivnog zdravstvenog osiguranja sportista, članova sportskog pravnog lica (Član 39. ovog Zakona);

3. Osnivač, ako ne donese akt o prestanku sportskog pravnog lica (Član 43. stav 1. ovog Zakona);

4. Organizator sportske priredbe, ako ne postupi u skladu sa propisima iz Anti-doping konvencije Savjeta Evrope i odlukama Međunarodnog olimpijskog komiteta (Član 62. ovog Zakona);

5. Sportsko pravno lice zbog donošenja opasnih oruđa i oružja, i upotrebljavanje pirotehničkih sredstava kojim bi mogla biti ugrožena bezbjednost sportista i gledalaca (Član 75. ovog Zakona).

6. Sportsko pravno lice koje ne poduzme mjere za zaštitu bezbjednosti i hitne medicinske pomoći pri održavanju sportskih priredbi (Član 76. ovog Zakona),

Za prekršaj iz stava 1. ovog člana kaznit će se i odgovorno lice u sportskom pravnom licu novčanom kaznom od 200,00 KM do 2.000,00 KM.

Član 80.

Novčanom kaznom od 200,00 KM do 2.500,00 KM kaznit će se za prekršaj sportsko pravno lice:

1. ako otpočne sa radom prije upisa u Registar (Član 40. ovog Zakona);
 2. ako zahtijeva od sportiste da trenira ili se takmiči za vrijeme bolesti ili povrede (Član 61. ovog Zakona);
 3. ako dozvoli prodavanje i točenje alkoholnih pića suprotno članu 72. ovog Zakona;
 4. ako dozvoli pristup licima pod uticajem alkohola i drugih sredstava na takmičenje što može ugroziti bezbjednost sportista, gledalaca i ostalih učesnika na sportskoj priredbi suprotno članu 73. ovog Zakona;
 5. ako dopusti objavljivanje oglasa i reklama po zdravlje štetnih proizvoda suprotno članu 74. ovog Zakona;
- Za prekršaj iz stava 1. ovog člana kaznit će se i odgovorno lice u sportskom pravnom licu novčanom kaznom od 100,00 KM do 1.000,00 KM.

XII. PRIJELAZNE I ZAVRŠNE ODREDBE

Član 81.

Postojeća pravna lica, koja obavljaju djelatnost iz oblasti sporta, dužna su u roku od godinu dana od dana stupanja na snagu ovog Zakona, uskladiti svoju organizaciju, djelatnost i opće akte sa odredbama ovog Zakona.

Član 82.

Fizička lica, koja obavljaju djelatnosti u oblasti sporta kao privatni sportski radnici ili kao profesionalni sportisti dužni su da se upišu u Registar privatnih sportskih radnika, odnosno Registar profesionalnih sportista, u roku od godinu dana od donošenja podzakonskih akata o sadržaju, obliku i načinu vođenja postupka upisa i brisanja iz ovih registara, iz člana 55. i člana 56. ovog Zakona.

Član 83.

Radnici u oblasti sporta, koji u vrijeme stupanja na snagu ovog Zakona ne ispunjavaju uslove obrazovanja propisane ovim Zakonom, mogu nastaviti obavljanje odgovorno-obrazovnog rada u sportu sa postojećom stručnom spremom.

Radnici, iz stava 1. ovog člana, dužni su, u roku od 6 godina od stupanja na snagu ovog Zakona, ispuniti propisane uslove.

Ukoliko ne ispune propisane uslove, radnicima iz stava 2. ovog člana, prestaje radni odnos.

